

## Une borse di studi sul furlan e su lis sôs lenghis “sûrs” (rumaņç e ladin)

Domandis dentri dai 11 di Lui pal dottorât di ricercje promovût de Universitât Libare di Bolzan in colaborazion cu la ARLeF

Al è timp fin ai 11 di Lui par presentâ la candidature pe amission al cors di dottorât di ricercje in Linguistiche promovût de Universitât Libare di Bolzan adun cu la Universitât dai studis di Verone e in colaborazion cu la ARLeF-Agenzie regjonâl pe lenghe furlane. Tra lis siet borsis a disposizion, une e je dedicate al progjet su la analisi comparative des politichis di tutele dal rumaņç, dal ladin e dal furlan.

La borse di studi e vignarà assegnade al progjet miôr inte aree tematiche de sociolinguistiche: l'argument centrâl al varà di tratâ de tutele juridiche e des politichis linguistichis publichis leadis aes lenghis di minorance furlane, ladine dolomitiche e rumance dai Grisons. Il progjet al varà di previodi la analisi detaiade des normis e dai documents di planificazion che a son in vore in di di vuê, cun chê di furnî un studi comparatîf di chestis trê realtâts.

La selezion e previôt un colocui là che si discuterà il progjet di ricercje presentât e là che si valutaran lis competencis linguistichis dal candidat, che, in plui dal talian, al scugnarà vè une competence buine dal inglêș (lenghe principâl di insegnament) e dal todesc. Jessi parons dal furlan, dal ladin e dal rumaņç al sarà un titul preferenziâl.

La frecuence dal cors di dottorât e je articolade in trê anualitâts e e cjaparà dentri une ativitât di ricercje specifiche di doi mês che si davuelzarà li de Agenzie regjonâl pe lenghe furlane.

Il cors di dottorât al formarà professioniscj di nivel sientific alt e i dottorants a podaran zovâsi di metodologiis, imprescj e risultâts disvilupâts dilunc di progjets di ricercje une vore impuartants (PRIN, DFG, SNF, PNRR). Cun di plui, al è stât firmât un acuardi bilaterâl cu la Universitât di Marburc (Gjermanie) che al previôt l'otigniment di un dopli titul di dottorât par cui che al vignarà selezionât par chest 'International Doctoral Track'.

Dutis lis laureis specialistichis o magjistrâls a son ametudis e a puedin presentâ la domande di partecipazion al concurs pe amission al dottorât. Si à di vè otignût 300 CFU (lauree magjistrâl). Dutis lis informacions a son a disposizion online su [www.unibz.it](http://www.unibz.it)

Udin, ai 21 di Jugn dal 2024

INFORMAZIONS PE STAMPE - INFORMAZIONI PER LA STAMPA

Ufficio Stampa ARLeF CALT relazioni pubbliche / e-mail: [arlef@caltpr.it](mailto:arlef@caltpr.it)

Eleonora Cuberli - mob. + 39 340 3546890 / Adriana Cruciatti - mob. +39 335 6853775

<<<<<<<<<<<<